

## Informasjonsbrev til beitelaga våren 2022

Her kjem informasjon som vi håpar er nyttig for beitelaga i Vestland.

### Tilsynsliste/rapportskjema

Vedlagte skjema kan nyttast for å få inn opplysningar om beitesesongen. Det er krav om tilsyn i beiteområdet minst ein gong pr. veke. Det er fint om leiaren i beitelaget sender dette ut til sine medlemmar, og får desse attende før laget søker om driftsmidlar i haust. Styret i laget skal rapportere inn ei samla oversikt.

Det er berre tal tapte dyr på utmarksbeite som skal inn i statistikken for Organisert beitebruk. Det vil sei at tap inne og på vår- og haustbeite ikkje skal takast med. For å lukkast best mogeleg med tapsførebyggjande arbeid, er det viktig med ei mest mogeleg fullstendig oversikt over tapsårsakene. Det er såleis viktig at kvar bonde melder inn både sikre og trulege tapsårsaker for sin buskap.

### Freda rovdyr status 2022

Det er ingen dokumenterte meldingar om ulv, bjørn eller gaupe så langt. For jerv er situasjonen at det er ein ny observasjon i Indre Sogn. Tidlegare har det òg vore observasjonar i Nordfjord og i sørlege del av Vestland mot Rogaland. I tillegg spreidde observasjonar av jerv nokon andre plasser. Skade av kongeørn er meldt inn frå nokre kommunar i Vestland og opptrer typisk heilt i starten av beitesesongen, gjerne og på innmarksbeite. Dette er «normalt», og omfanget i år blir forhåpentlegvis ikkje større enn vanleg.

### Ved mistanke om tap grunna freda rovdyr

Dersom de ser eller finn spor etter freda rovdyr, oppmodar vi om at de melder frå til Statens naturoppsyn (SNO) og/eller legg observasjonane inn i Skandobs så snart som mogleg. Dette er viktig for å legge grunnlag for ei best mogeleg forvaltning av freda rovvilt. Dersom det er mistanke om tap av dyr grunna freda rovvilt er det viktig med dokumentasjon, både for å få sett i verk tiltak og for å kunna sikre erstatning ved tap. Ved funn av kadaver der freda rovvilt kan vere skadegjerar, er det eit krav om at SNO blir varsla dersom ein skal krevje erstatning.

Hugseliste ved funn av kadaver:

- La kadaveret liggja mest mogeleg urørt
- Ta bilde av kadaveret
- Dekk til kadaveret med plast, stein, busker eller liknande slik at åtseletarar ikkje kjem til
- Merk funnstaden så den er lett å finna att, bruk eventuelt GPS
- Meld i frå til SNO så snart som mogleg
- I sekken: Mobil, fotoapparat, søppelsekk til tildekking av kadaver, kniv og lange eingongshanskar

### Rovviltkontaktane i Vestland:

Haugesund:        Andreas Dunkley, [480 25 444](tel:48025444)  
Luster:            Rune Fuglested, [476 41 915](tel:47641915)  
                          Anna Samnøy, [940 36 604](tel:94036604)  
Bjørnafjorden :    Hartvig Haugen, [970 13 594](tel:97013594)  
Sunnfjord:        Finn Olav Myhren, [468 98 112](tel:46898112)  
Voss:                Ingmar Slettemark, [957 09271](tel:95709271)  
Sunnfjord:        Sverre Sæten, [404 48 216](tel:40448216)  
Aurland:            Håkon Øydvinn, [995 67 650](tel:99567650)

Regionansvarleg: Rein Arne Golf, [480 94 364](tel:48094364)

*Vi vil oppmode om at de formidlar namn og telefonnummer på dykkar rovviltkontakt + råda kring tap grunna freda rovdyr over til medlemane i dykkar beitelag.*

Forvaltningsansvaret for freda rovvilt i region 1 ligg til rovviltnemnda. Leiar for nemnda er Aleksander Øren Heen frå Årdal, tlf. 911 34 842. I tillegg er Trude Brosvik frå Gulen med i nemnda.

## Skadefellingsløyve

Skadefelling er eit verkemiddel i akutte skadesituasjonar. Statsforvaltaren gir fellingsløyve innanfor kvoter som er fastsett av rovviltnemnda i regionen. Vedtak om skadefelling er frikopla frå grunneigarretten. Dersom SNO dokumenterer tap grunna freda rovdyr ved kadaverfunn, kan de søke Statsforvaltaren om skadefellingsløyve.

Kontaktperson er *Hermund Mjelstad*, [fmsfhm@statsforvalteren.no](mailto:fmsfhm@statsforvalteren.no), mobil 481 43 095. I ferietida om sommaren (juli-august) blir det lagt ut kven som er ansvarleg kontaktperson på heimesida til Statsforvaltaren. Gamle Sogn og Fjordane har tre regionale skadefellingslag som blir administrert av Luster kommune. I tidlegare Hordaland har Hordaland Jeger- og fiskerforening ei tilsvarande rolle.

Beitelag eller kommunen kan søke om skadefellingsløyve. Søknaden bør innehalde:

Kven søkjer og for kva område

Kartfesta informasjon om kadaver: tal kadaver totalt, tal undersøkt av SNO, sakna dyr

Tidsrom for tap eller skade

Tal dyreeigarar og tal dyr på beite i området

Vi oppmodar om at beitelaget tek kontakt med kommunen for hjelp i ein skadesituasjon.

## Skandobs

Skandobs (<http://www.skandobs.no/>) er eit felles skandinavisk rapporteringssystem for store rovdyr. Dette er ein database der det er mogleg for alle å registrere observasjonar av spor og dyr. Observasjonane vert tilgjengeleg for alle utan forseinking. Observasjonane som kjem inn her vert også meldt vidare til SNO. Vi oppmodar næringa til å ta i bruk dette verktøyet for å få best mogleg oversikt. Rapporteringssystemet er enkelt i bruk, ein må registrere seg som rapportør før ein får legge inn opplysningar.

## Oppdatering av opplysningar i beitelaget

For å få oversyn over tap av dyr på beite er vi heilt avhengige av at dei rundt 200 beitelaga i Vestland rapportetar inn tal til Statsforvaltaren. I tillegg til denne rapporteringa gjer beitelaga ein viktig jobb for å få ned tap av dyr på beite og bidreg til eit godt fagmiljø. Dei fleste laga syner elles gjennom i årsmeldingane at de arbeider godt, og det er mange lag med stor aktivitet.

Når vi sender ut brev til beitelaga nyttar vi adressa som er registrert i einingsregisteret (i Brønnøysund), så hugs å oppdatere den når det er endringar. Dei fleste beitelaga har meldt inn ei e-postadresse på ein kontaktperson for sitt lag til oss også. Vi ber om at de i held fram med dette slik at vi sikrar best mogleg kommunikasjon.

På nettsida [www.kilden.nibio.no](http://www.kilden.nibio.no) finn ein beiteområde teikna inn i kart. Vi oppmodar alle lag å føreta ein sjekk av beitelagsgrensene og gje oss tilbakemelding om det er noko som skal endrast.

Statsforvaltaren ynskjer ein god dialog med næringa om utfordringar og behov. Ta gjerne kontakt med oss om de har innspel.

Lukke til med arbeidet ute i laga og med beitesesongen!

Med helsing